



UPA2015/11.2
19. maj 2015
Agathe Fontain

2013-imut Nunatta Karsiata naatsorsuutaasa akuersissutigineqarnissaannik siunnersuut. (Aningaasaqarnermut Aatsitassanullu Naalackersuisoq)

2013-mut Nunatta karsiata naatsorsuutaanut isumaliuutuissiissutaanut Inuit Ataqatigiit –niit suleqatigiissimanermut qujavugut. Suliaq imaannaanngitsopq naammasineq ajuleraluartutut isikkulik kiisami naammasinialerparput.

Isumaliuutissiissut anertuujuvoq, ersarissumik nassuiaasoq Kukkunersiuinermut ataatsimiititaliat marluk suliamut tassunga suliarinnissimasut qanoq suliarinnissimaneranik nassuiaasoq.

Kukkunersiuinermut ataatsimiititaliap suliassai oqaatigeqqaarlakka:
Issuaaneq:

“Kukkunersiuinermut Ataatsimiititaliap pingaarnertut suliassaqarfii Inatsisartut Naalackersuisullu pillugit Inatsisartut inatsisaanni §§ 18 aamma 19-imi nassuiarneqarput. Tassani allassimavoq ataatsimiititaliap ”Nunap karsiata Naatsorsuutaasa Kukkunersiorneqartarnerannut Ataatsimiititaliap nunap karsiata naatsorsuutai kukkunersiuisullu taakkununga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalackersuisunut apeqquteqarlunilu oqaaseqarfiginnittassalluni. Apeqqutit oqaaseqaatillu Naalackersuisut akissutaat ilanngullugit Inatsisartunut saqqummiutissavai.”

Tamatuma kingorna Kukkunersiuinermut Ataatsimiititaliap pissutsinut isornartoqartissinnaasaanut Naalackersuisunut ilaasortat akisussaasut kinguneqartitsivigineqassanersut Inatsisartut aalajangissavaat. Aammattaaq Kukkunersiuinermut Ataatsimiititaliaq Nunatta Karsiata naatsorsuutaanik misissuataarinerminut atatillugu isornartorsiuisimappat Naalackersuisut politikikkut akisussaasutut pissutsit iluarsineqarnissaat isumagisassaraat.

Inatsimmi suliassat oqaatigineqartut saniatigut periutsit suleriaatsillu Namminersorlutik Oqartussat suliassaasa assigiinngitsorpasuit naammasineqarnissaannut Naalackersuisut pilersissimasaat siunertarisaq malillugu ingerlanersut nakkutiginnissaat Kukkunersiuinermut Ataatsimiititaliap suliassami pingaarnertit ilaattut isigaa. Tassunga atatillugu atortut sakkussallu aningaasanik aqutsinermi naatsorsuusiortarnermilu pingaarutillit pigineqarnissaasa siunertarineqartorlu malillugu atorneqarnissaasa qulakkeerneqarnissaa nakkutigissallugu ataatsimiititaliap pingaarnertut soqutigisaraa.” issuaaneq naavoq.

Qulequtaakkaarlugit immikkut tamaasa oqaaseqarfiginnikkaluarlugit, ersarissarusutagut ersarissassavakka.
Kukkunersiuisumut Inatsisartunit toqqarneqartumut aningaasaliissutit suliassaqarfik 01-imut nuunneqarnerat pissusisamisoortutut isigaarput, Inatsisartut namminerisamik allattoqafeqalermata suliassaasimagaluaq kiisami iluarsisinnaanngormat.

Isumaliutissiisummi allappugut, misinngersuusiornissamut inatsit malillugu, Sanaartugassanut Iliuarssagassasanullu nassuiaat Nunatta Karsianut ilaasoq. Taammaattorli uani naatsorsuutini takusinnaasimangilarput saqqummiunneqanngimmat. Naalakkersuisut akisinnaanertutik qaqugu saqqummiunneqarumaartoq ?

Isumaliutissiisummi nassuiarneqarpoq Immikkut itumik 2014-mi qinersisariaqalersimanitsinnut peqqutaasoq .Tassalu Qinersineq 2013-miit Naalakkersuisut siulittaasuusoq nunatta karsiania kassekredit-tut atugarisimagaa, privatimik akiligassat nunatta karsianut akilersittarsimagai. Taassuma kinguneranik 2009-mniit Naalakkersuisuusarsimasut ilanngullugit Nunatta karsianut akiligassaqartarsimanersut ilanngullugit misissorneqarput. Naatsuliortussaagama Kukkuersuisut paasisat imaapput.

Namminersortutik oqartussanut akiligassaqarsimasut aamma imaluuniit privatimik atuisimasut tassaasut: Aleqa hammond, Kuupik Kleist, Steen Lyngé.

Aleqa Hammond-p Ilaquttamni billitsiisa akilersittarsimagamigit Nunatta karsiata susassaqaqfiginngisai akilersissimagamigit,kingusinnerusukkut nammineq akilersukkaminik, Privatimik feriarnermi akiligassat aappaminut , imminullu akiliussinerit misissueqqinnermi nutaatut aamma pututtut, Hans Egede illuata privatimik atuinermi akiligassat Eurocard atorlugu bar-imi akiligassat privatiusut akilersissimaneri.

Kuupik Kleist, ilaquttami billitsiisa akilersittarsimagamigit, kingusinnerusukkut akilersukkaminik. Steen Lyngé: Ilaquttami billitsinik akiliuteqqaarsimanermigut. Siumaqarluni ukiumut ataasiarluni ailaquttat akiliunneqarsinnaasut.

Naatsorsuutigaarput pineqartut tamarmik massakut akilerneqareersimasut.

Taamaattunik nalaataqaqqinnginniassagatta innersuusutigissavarput kukkuersuisut innersuutaai Naalakkersuisut malissagaat.

Isumaliutissiisummi sakkortuumik uparuakka ilagaat. 2013-mi qinersinerup kingorna Tusagassiornikkut ataqatigiisaarisumik taallugu atorfinittisimagaluarneq. Atorfinititaq aatsaat qammatit arlallit atorfeqareerluni atorfinitsinneqarnermut isumaqatigiisumik atsiugaqarsimavoq. Tamakku kingunerisaannik Naalakkersuisut kaajallaatitaliorput 1. Januar 2015 . Aammalu iluatsipallaanngistumik, atorfinitsikkaluakkat soraartaraqalartamata. Kaajallaasitaq malillugu Siunnersortitut atorfilittat partiinut aamma sullissisinnaapput. Tamanna Inuit Ataqatigiinniit toqqortamik partiinut naalakkersuisuutitaqartunut tapiissutitut isigaarput. Tamanna Naalakkersuisut pissusissamisoorutut isigineraat apequtigissavarput.

Isumaliutissiissuserireernerup kingorna maluginiarparput Pressekorrdinartorimut Retschefiusimasumulu suliat ingerlanneqarnerat Advokatinik misissuinerimik nassataqarsimasoq, allaat Ombudsmande aamma nalilersuisuimasoq. Kukkuersuiunermi ataatsimiititaliani misissutitsineq agguanneqarnikuunngimmat, imaluuniit Ombudsmandip naliliisimanera eqqartorneqarnikuunngimmat uparuassavarput. Inuiaqatigiimi eqqarsaatigalugit isumaliutissiisummi bilagitut ilaasussaagaluartutut nalilerparput, piumasaqatigalugulu ilanngunneqarnissaat.

Naatsorsuutitut nassuiaatitut tunngatillugu uparuarpagut, naatsorsuutitut nassuiaatini nikingassutitut peqqutaasut sooq akuersissutitut tunngavissanik pissarsisoqartarsinnaanngistut. Regnskabshåndbogi afsnit 7.3 malillugu.

Naalackersuisut nalunaarput Peqqinnissaqarfimmi naatsorsuutini atugassarititaasut iluinni atuisoqarsimasoq. Erseqqissassavarput 2013-p naalernerani immikkut ittumik qinnuteqarnikkut 15 mio. Kr-nik aningaasaliisoqaqqimmat. Taamaammat pissusissamisuginnalersimasoq immikkut ittumik qinnuteqartarneq allaat , akuerisaasut iluinni pisutut isigineqalersimavaa ?

Nalunaarusiat pineqartut bilagitut atuarneqarsinnaasut innersuussutigaaqut.